

School Scucha Nos den su di dos fase di expansion

ORANJESTAD(AAN): -- Ministro di Enseñanza Eddy Croes a habri dos lokaal nobo di School Scucha Nos.

Esaki a socede den presencia di miembronan di FEPO (Fundacion pa Esnan cu Problema di Oido), maestro y alumnonan di School Scucha Nos y demas invitado.

Despues cu e alumnonan di School Scucha Nos a duna un bunita presentacion den forma di canto, poesia y baile, ministro Croes a colga un plakart na porta di un di e lokaalnan nobo.

Di e forma aki, el a habri e lugar oficialmente.

Como muestra di gratitud, e plakart ta carga nomber di e sponsornan, esta, FCCA, Meta Corporation, Texas Furniture Store, Flora Mar-



ket, Departamento di Enseñanza, Web Aruba NV y Denam Constructors.

Señor Croes a bisa cu desde momento cu a habri e school, gobierno di Aruba tabata dispuesto pa sigui coopera cu School Scucha Nos.

Segun e ministro, gobierno mester compromete su mes pa duna su apoyo pa tur alumno na Aruba haya les segun su capacidad.

El a mustra alavez riba e hecho cu pa e tipo di enseñanza aki, maestronan mester ta hopi motiva.

Señor Croes ta admira e motivacion di e maestronan di School Scucha Nos y ta kere cu mester duna mas conocimiento na e school aki y na e trabao valioso di su maestronan.

Vice-presidente di FEPO docter A. van der Linde a bisa cu School Scucha Nos a prueba di ta un lugar unda muchanan cu handicap di oido por siña papia, lesa y skirbi cu yudanza di seña y lesamento di lip.

Director di School Scucha Nos Wim Willems a papia tocante e historia di e school.

E school a keda inaugura riba 9 di Mei 1996 pa ministro Eddy Croes, e tempo ey e tabata consisti di dos trailer y un lokaal di Emmaschool.

E school tabata tin 72 alumno, diesdos cu tabata bay School Scucha Nos y sesenta cu tabata bay school regular bao guia di maestronan di School Scucha Nos.

Awor e di dos fase di expansion di e school a keda realiza, actualmente e school tin 144 alumno di cual diesiete ta haya enseñanza na School Scucha Nos mes y 127 ta bay school regular bao guia di cinco maestro.

Coriendo anochi sin luz

ORANJESTAD (AAN): Un lector a indica na DIARIO, cu e ta kere cu e momento a yega pa Polis cuminsa actua cu man duro riba autonan coriendo cu luz kima.

Awor cu Polis no mester skirbi rapport di Accidente mas, e ta kere cu awor mester check e autonan cu ta coriendo anochi sin luz. Tin hopi auto coriendo anochi cu no tin ni un tiki luz patras!

BINGO

TUR DIAHUEBS

Inscripcion ta cuminsa 6:00 or

**BEBIDA & SNACK
GRATIS**

5,000 FLORIN

Den 50 yamada

3,000 FLORIN

Den 52 yamada



**cumpra 2 tickets (4 kaarchi di Bingo)
y hanja automaticamente un ticket
pa participa den un rifa di \$300**

**Ademas, si bo trece bo ticket di ultimo bingo bo ta ricibi un kaarchi gratis!!
Y si bo tin MVP platinum bo ta ricibi otro kaarchi gratis !!**



WYNDHAM ARUBA
BEACH RESORT & CASINO